

蒙兀兒史記

結一宦主人自題

拾遺

忽必烈可汗諸子列傳第五十八

蒙兀兒史記卷第七十六

武進屠奇

忽必烈可汗十一子。正宮翁吉刺氏察必可敦。生朵兒只真金。忙哥刺那木罕。若忽哥赤。愛牙赤。奧魯赤。闊闢出脫歡。忽都魯帖木兒。均不詳其母名族。繼守正宮之翁吉刺氏南必可敦。生鐵蔑赤。朵兒只王。早薨。無後。其位下歲賜腹裏江南無分撥戶。至延祐元年。始定年例。支中統鈔一千錠。見食貨志。裕宗長子。晉王甘麻刺位下。

皇太子真金。蒙古源流作精吉木。官本舊紀改珍哉。察必可敦次子。少從姚樞實默受孝

經。中統三年十二月甲寅。封燕王。守中書令。明年。兼判樞密院事。

至元二年。奉詔居潮河。其年八月丙召。七年秋。受詔巡撫稱海。太祖時鎮

海屯田於此。築城即名鎮海。八刺合孫語。鴛為稱海。在和林北偏西。至冬還京。閒與諸王札刺忽及從臣伯顏

等燕居。令各誦所聞善言。於是撒里蠻曰。玉龍者失之子。成吉思有訓。欲治

身。先治心。欲責人。先責己。伯顏曰。可汗有訓。欺罔盜竊。人之至惡。

一為欺罔。後雖出善言。人終弗信。一為盜竊。事雖未覺。心常惴惴。

若捕者將至。札刺忽曰札刺忽疑是東道諸王之裔非太祖後人吾祖有訓。長

者杪。深者底。言事貴究其終始。不可中輟也。王曰。可。汗額赤格有

訓。毋持大心。大心一持。事即墮敗。吾觀孔子之語。即與聖訓合也。

初蒙兀俗不建儲。每汗之立。必經諸王百官集議。然後定策。謂之

忽里勒塔。故雖幹歌互汗之賢。有成吉思之遺命。定主神器而已。

丑踐阼之始。尚會議久之乃決。其後古余克汗蒙格汗之立。時論

頗有異同。爭端漸起。及中統初。遂有阿里不哥之變。忽必烈汗鑑

於前事。知漢法立儲。實宗社至計。乃定策立真金為皇太子。又循

母以子貴之義。並冊真金母翁吉刺氏察必為皇后。十年二月丙

戌。以皇后太子受冊寶。先遣太常合丹告廟。三月丙寅。汗御廣寒

殿。遣攝太尉中書右丞相安童授皇后玉冊玉寶。攝太尉左丞相

伯顏授皇太子玉冊金寶。太子有冊禮始此。蒙古源流云。徹辰汗之秦貝哈屯。生多爾濟奔。奔。拉。精。吉。木。諾。穆。罕。

四子一女齊齊克先於庚辰年。徹辰汗十六歲時。喇克巴喇嘛年四十六歲。將回家。汗降旨云。我四子誰往送此寶貝喇嘛至家。日後令即汗位。一兒俱不願往。惟第三子精吉木台吉云。我願

報父恩。前往送。遂送帕克巴喇嘛行至蒙古地方。而殞。汗云。我前有成命於精吉木之三子。噶瑪拉。達爾瑪巴喇。謬勒。拈。依。兄。弟。三人。親為諦看。以謬勒。哲。依。克。成。治。統。遂。將。第。三。孫。謬。勒。拈。依。於。汗。

在時令其即位按真金巡撫稱海事在庚午而非庚辰時世祖年五十七而非六十六真金之薨在大都非薨於蒙古地方謬勒拒依即成宗其以皇孫受皇太子實至元三十年六月破云於汗在時令其即位其說約略與舊史有合處但不甚確目皇帝若曰咨爾皇太子真金仰惟太祖皇帝

遺訓適子中有克嗣服繼統者豫選定之是用立太宗英文皇帝以紹隆丕構自時厥後為不顯立冢嗣遂啟爭端朕上遵祖宗宏

規下協昆弟僉同之議乃從燕邸立爾為皇太子積有日矣此者

儒臣敷奏國家定立儲嗣宜有冊命此典禮也今遣攝太尉左丞

相伯顏紀稱伯顏為同知樞密院事本官也此云左丞相蓋臨時兼官持節授爾玉冊金寶於戲聖武燕謀

爾其承奉昆弟宗親爾其和協使仁孝顯於躬行抑可謂不負所

託矣尙其戒哉勿替朕命九月詔立官師府設官屬三十有八員

以待衛親軍萬人益隸東宮太子命王慶端董士亨選其驍勇教

以兵汰時閱試焉初守中書令將入省視事乳母進新衣笑卻之

曰予何事美觀也及為太子所服綾袷被瀋漬命加染治侍臣請

更製之太子曰吾欲織百端不難顧服用未敝豈宜輕棄東宮香

殿成工請鑿石為池如曲水流觴故事太子曰古有酒池肉林爾

欲吾爲之耶。不許。嘗有疾。車駕臨視。親和藥。賜之。遣侍臣李眾馳
謁岳瀆。太子戒其所至都邑。毋擾吏民。每與諸王近臣習射之暇。
輒講論經史。翰林待制王惲進承華事略二十篇。宮臣進讀。至漢
成帝不絕馳道。唐肅宗改絳紗袍爲朱明服。大喜。曰。以吾身處。亦
當若此。及邢峙止齊太子食。邪蒿曰。菜名爲邪。食之豈遽令人不
正耶。詹事丞張九思從容對。謂正臣防微。義固當爾。太子善其說。
賜酒勞之。嘗從贊善王恂學書。仿本。親署學生某習書。謹呈。其恭
儉敬慎如此。時恂與白棟朝夕侍經幄。不出宮門。諭德李謙太常
宋衡特破賓禮。咨訪無閒。且命衡推轂所知。以備顧問。衡言郭祐
何瑋徐珍馬紹楊居寬何榮祖楊仁風等。太子曰。是數人者。悉爲
我致之。自近者始。遂召瑋於易州。珍紹於東平。仁風於潞州。京兆
有處士楊恭懿者。行省朝廷累徵。辟不起。太子下教中書。以漢惠
待四皓禮聘之。至則置諸中書。與衡輝總管董文用同議省事。會
有詔割江西龍興路爲食邑。太子謂左右曰。安得治民如邢州。張

耕者乎。乃使宋衡大選署守令。江西行省以歲課羨餘鈔四十七萬緡進。太子怒曰。朝廷令公等行省一方。但使百姓治安。財用何患不足。否則吾持此安歸。盡卻之。阿里以民官兼課司。請歲增輸羊三百。太子以其越例。罷之。參政劉思敬遣其弟思恭獻新民百六十戶。問所從來。以重慶俘獲對。太子蹙然曰。歸語汝兄。此屬宜隨所在放遣爲民。毋重失人心。烏蒙宣撫司進馬踰歲額。諭之曰。公歲令進馬。但如常數。恐道路芻秣過勞吾民也。自今其勿復然。有司欲就威武營。貸粟數萬石濟民饑。太子問王慶端可否。對曰。兵民一體。何閒焉。卽命與之。二十一年春。辟劉因於保定。因以疾辭。固辟之。乃至。拜右贊善大夫。以吏部侍郎夾谷之奇爲左贊善大夫。時已立國學。李棟。宋衡。李謙皆以東宮僚友兼教胄子。至是命因專領之。嘗曰。吾聞金章宗時。有司論太學生廩費太糜。章宗謂養出一范文正。所償顧不多耶。其言甚善。會因乞疾去。以長史耶律有尙爲司業。中庶子伯必以其子阿八赤入見。諭令就學。伯

必令阿八赤入蒙兀學。逾年又見。太子問讀何書。其子以蒙兀書對。太子曰。我命汝學漢人文字耳。其亟入胄監。遣使辟宋工部侍郎倪堅於開元。既至。訪以古今成敗得失。堅言三代得天下以仁。其失也以不仁。漢唐之亾也。以外戚闖豎。宋之亾也。以姦黨權臣。太子嘉納。賜酒。日昃乃罷。初。阿合馬擅國柄。太子惡其姦。未嘗少假顏色。王著知阿合馬所憚。惟太子。故假太子命。夜召而殺之。及和禮霍孫入相。太子曰。阿合馬死於盜手。汝任中書。事有便國利民者。毋憚更張。苟或阻撓。我當力持之。中書啟何瑋參議省事。徐珍爲左司郎中。二人入見。太子諭之曰。公等學孔子之道。今始得行。毋負平生也。太子在中書日久。練習時政。四方州郡科徵輓漕。造作和市。凡有足以病民者。聞之。卽日奏罷。右丞盧世榮以言利進。太子意甚非之。嘗曰。財非天降。安得歲取贏乎。其後世榮果坐臯。桑哥素主世榮。聞太子有言。訖箝口不敢掇。至元以來。天下臻於太平。人才輩出。太子折節下交。凡在師友之列者。非朝廷名德。

則布衣志節之士。皆待以恩禮。始終不衰。王恂卒。太子哀悼於其
葬也。賻鈔二千五百緡。仍召賜其子寬。資鈔五千緡。命用盡可復
以聞。宋衡目疾。賜鈔千五百緡。王磐告老而歸。官其婿於東平。以
終養。孔洙自江南入覲。則責張九思學聖人之道。不知有聖人之
後。其大雅不羣。本於天性。中外歸心焉。於時忽必烈可汗春秋高。
江南行臺監察御史有疏請禪位太子者。太子聞之驚曰。必禍我
矣。中臺乃寢其疏不上。而阿合馬黨塔卽古阿散乘閒發之。上震
怒。太子益憂懼不自安。遽得疾。薨時二十二年十二月丁未也。壽
四十有三。三十年正月。賜諡明孝太子。太子性仁孝。嘗從幸宜興。
州名。故城在今承德府興州河上。忽必烈汗適違豫。太子憂形於色。夕不成寐。聞母后
察必可敦暴得風疾。卽悲泣。衣不加帶而入省。及可敦殂。太子自
獵所奔赴。勺飲不入口者終日。設廬帳居之。鐵穆亘可汗卽位。追
尊諡曰文惠明孝皇帝。廟號裕宗。祔於太廟。子三人。長晉王甘麻
刺。次二荅刺麻八刺。皆自有傳。次三鐵穆亘可汗。

安西王怛哥刺皇太子真金同母弟也

蒙古源流以莽噶拉為精吉木次兄與世表異

未出閣時

李磐為王說書官

諸王設僚屬及說書官見至元元年八月本紀

王性寬和能受善言。至元九年

十月丙戌封安西王

据本紀諸王表金印螭紐安西王怛哥刺封年同按真金為怛哥刺母兄以中統三年封燕王那木罕為怛哥刺母弟以至元三年

封北平王即怛哥刺之異母兄弟如忽哥赤以至元四年封雲南王奧魯赤以至元六年封西平王而怛哥刺年在真金那木罕之閒且係忽必烈汗適子顧其封安西王乃在那木罕之後且在忽哥赤與魯赤之後殊不可解竊疑怛哥刺之封安西王本與那木罕封北平王同年或且先之至元九年始出鎮京兆六盤本紀誤以其出鎮之年為始封之年世表又沿本紀之誤目

出鎮京兆分兵駐六盤山兼轄河西吐蕃四川等處軍民之政置王

相府以商挺李德輝為王相明年燕王立為皇太子怛哥刺亦晉

封秦王別賜秦王獸紐金印其安西王螭紐金印兼綰如故一藩

二印兩府竝開在長安者曰安西在六盤者曰開成皆號上路王

相府冬夏分駐焉

夏駐六盤冬駐長安

怛哥刺始至長安營於素漣之西毳殿

中峙衛士環列車閒容車帳閒容帳包絡原野周四十里中為身

門譏其出入關中故老望之眙目怵心以為威儀之盛雖古之大

單于無以過也既而有詔命京兆尹趙炳為治宮室壯麗視皇居

先是京兆本忽必烈汗潛邸舊封而六盤益秦隴之吭俛瞰全蜀

成吉思汗晚年征西夏嘗置老營卽山避暑蒙格汗車駕入蜀亦
畱出卑可敦及鞬重山上命大將渾都海領重兵戍之固王師後
路及是忙哥刺以忽必烈汗愛子開藩於此爲西土重鎮焉會朝
議三道伐宋丞相伯顏取中道自襄陽浮漢出江而蜀據大江上
游時嘉定重慶渠合涪萬施夔等府州尙爲宋守朝廷分置東西
兩川行樞密院討之行軍之事皆稟安西王相府節度十二年詔
王相李德輝撫蜀給鈔千挺爲軍需駐成都督餽饟仍命王分遣
所部從西平王奧魯赤征吐蕃是歲賜王幣帛八千匹絲萬斤明
年伯顏已下臨安淮東西江東西浙東西湖南北諸路悉下王所
部軍亦克萬州兩川州郡多降惟重慶涪合不下王相府督東西
行院軍分攻之十四年兀刺孩火石顏叛王奉命帥師北討王相
商擬畱治府事南平王禿魯乘閒舉兵六盤遙應海都十五年王
相府檄延安路招討使李庭玉等從蒙兀軍都元帥忽必來別速
台討之比王歸自北邊六盤之亂已平矣是年十一月王薨

王薨年
月据趙

炳子阿難荅襲封安西王襲封之命當在十六年諸王表云十七年襲封誤也又按至元十六年七月本紀云敕發西川蒙兀軍七千新附軍

三千付皇子安西王按是時皇子安西王忙哥刺已薨本紀以位言故不書名否則宜稱皇孫安西王阿難荅阿難荅年少同知運使郭琮

郎中郭叔雲乘機竊弄威柄十六年秋京兆府尹趙炳入朝發其

奸詔以炳為安西王相乘傳借敕使往按二郭懼假阿難荅令旨

入炳臯下之獄十七年三月毒殺之事連前王相商挺語具趙炳

商挺傳是年賜食吉州路六萬五千戶明年十月命王府協濟戶

及南山隘口軍屯田安西延安鳳翔六盤等處二十二年二月有

旨為皇孫阿難荅立衍福司秩四品使同知副使各一員二十四年尚書省臣桑哥

言皇子忙哥刺始封安西王統河西吐蕃四川等處置王相府後

封秦王綰二金印今嗣王阿難荅仍襲安西王印弟按檀不花別

用秦王印其下復以王相印行一藩而二王恐於制非宜且北安

王相府無印而安西王相獨有印非事例遂詔按檀不花上秦王

印并罷所署秦王傳其阿難荅仍襲安西王置王傳如故而收其

王相印舊紀至元十七年六月書安西王薨罷其王相府據此可知其誤

尋從阿難荅請為設本位諸匠都

總管府。明年發米六千石。振所部饑。且給橐佗百頭。二十六年。罷按檀不花所設斷事官。明年。又罷秦王府典藏司。三十年。阿難荅仍請設常侍官。不允。惟給安西王府斷事官印。是年十二月。以鐵赤句脫脫木兒句鹵住句拜延四人。竝爲安西王傅。元貞初。王以所部貧乏告。賜鈔二十萬挺。又以隕霜殺禾。別賜其部民在山後者糧萬石。是年冬。以王傅鐵赤等自從入朝。請復立王相府。鐵穆旨汗不允。賜王甲冑槍槌弓矢囊鞬等十五萬八千二百餘事。命出鎮北邊。明年。鐵赤等復申王相之請。汗曰。去歲阿難荅面陳朕諭以辭禪。可汗定制。今復云然。豈欲以四川京兆盡爲彼有耶。賦稅軍站。皆朝廷所司。今姑從汝請。置王相府。第行王傅事。王尋遣使復以貧乏告。汗曰。辭禪可汗聖訓。嘗以分賚爲難。阿難荅亦知之矣。若言貧乏。豈獨汝邪。去歲賜鈔二十萬挺。又給以糧。今與則諸王以爲不均。不與。則汝言人多餓死。其給糧萬石。擇貧者振之。大德五年秋。籍王府侵占田站四百餘戶爲民。是秋。海都犯和林。

王所部力戰有功。至冬解嚴給其軍士食。令各還家休息。候春調遣。連歲禁和林釀酒。惟王及諸王忽刺出脫脫人不沙也。只里駙馬蠻子台盞吉刺帶燕里干許釀自飲。不許酤賣。七年五月。朝廷追論大德五年戰功。賜王及皇姪海山諸王脫脫人不沙駙馬蠻子台等金各五十兩。銀珠錦幣等物有差。所部諸軍銀以兩計。鈔以挺計。各二十萬。幣帛以匹計。各五萬九千。是年秋。海都嗣子察八兒及篤哇明理帖木兒等遣使請息兵。有旨命王慎飭軍伍。置驛以俟其來。九年。詔補給位下積年所減歲賜金五百兩。絲萬一千九百斤。仍賜所部鈔萬挺。明年。別賜王鈔萬挺。尋以開成地震。壞王宮及官民廬舍。壓死故秦王妃也里完。所謂秦王。指忙哥刺。等五千餘人。振鈔萬三千六百餘挺。糧四萬四千一百餘石。又明年正月。鐵穆

目汗殂。阿難荅適以明理帖木兒來朝。先三日。至京師。

以庚午日至。按明理帖木兒以

七。年。秋。與。察。八。兒。等。同。納。款。至。是。始。入。朝。阿。難。荅。前。既。奉。旨。整。軍。置。驛。以。俟。其。來。彼。既。來。則。帥。以。入。朝。者。自。是。阿。難。荅。之。職。且。正。月。為。諸。王。朝。會。常。期。固。非。預。料。汗。祖。覬。覦。大。位。始。至。京。師。亦。未。必。一。巴。身。元。可。敦。所。召。乃。元。史。卜。魯。罕。皇。后。傳。云。大。德。十。年。后。嘗。謀。貶。順。宗。妃。荅。吉。與。其。子。仁。宗。往。州。明。年。成。宗。崩。時。武。宗。在。北。邊。恐。其。歸。必。報。前。怨。后。乃。命。取。安。西。王。阿。難。荅。失。里。來。京。師。謀。立。

之此元朝實錄之附言明初脩史者無識未經削正者也按諸王年長出閣就藩為歷代皇家之通例八達汗以大德十年出鎮懷慶年已二十二歲孰謂尚非出閣之年乎懷孟為其父荅刺麻人刺分地直隸中書省地在河北密邇王畿以此為貶孰云非貶西書為元史所誤譯述略同甚矣信史之難言也今據事實訂正之如上下文

魯罕以皇太子德壽前殤大行無嗣辭禪可汗適孫惟阿難荅獨

在於大行為從父兄弟最親也孫鐵木兒汗及海山汗八達汗皆辭禪可汗曾孫且國家事重宜立

長君阿難荅之年雖不可考然必長於海山汗八達汗也孫鐵木兒汗斷然可信遂與左丞相阿忽合平章八都馬

辛一作八都馬失前平章伯顏中政院使客列亦道與等議立之右丞相哈

刺哈孫黨於懷寧王海山及其弟愛育黎拔力八達持其議不即

下時懷寧王撫軍金山八達汗就藩懷孟均不在京師哈刺哈孫

潛遣使南北分道迎之后如舊傳稱卜魯罕皇后命取安西王阿難荅失里來京師謀立之與哈刺哈孫傳請成后垂簾聽政立安西王阿難荅兩說

向相通蓋大行在殯新君未立皇后暫臨朝出命猶古今通制也武仁二宗本紀乃云左丞相阿忽合等潛謀推成宗皇后伯要眞氏稱制阿難荅輔之則前史實言且設二傳之說為是則阿難

荅本壯王既立之後成后自當退居別宮豈得復稱制若成后稱制阿難荅輔之則必更有少主如成王誦者尸大號於上而阿難荅僅當周公輔政之任其說乃可通今皇太子德壽已前殤此

外竝未更立少主阿難荅所輔何人耶故后立阿難荅與皇后稱制阿難荅輔之二說不容竝立明初脩史者乃竝載之胡不自知其矛盾耶

八達汗自懷先入三月乙丑朔知阿忽台等已定議將以三日丁巳巴身兀可敦卜魯

罕臨朝授冊使百官奉阿難荅行即位禮右丞相哈刺哈孫亦署

議八達汗以事急不及待外援乃先期一日丙辰

仁宗舊紀作丙寅誤也

與諸

王秃刺帥潛邸衛士稱兵犯闕明理帖木兒右阿難荅帥禁衛兵

禦之不勝被執阿難荅及巴牙兀可敦亦被幽禁宮中

据乞迷亞可丁書惟西書稱明

理帖木兒帥師與戰云云按宮中非大戰之地殆不過少數近衛直宿之士臨時與潛邸衛士格鬪耳

五月海山汗至上都逮治阿

難荅及明理帖木兒竝賜之死然後即位阿難荅既死國除海山

汗以其安西王位下分地及江西吉州路戶鈔賜皇太子時八達

汗以太弟居東宮位也既而廷臣或有以阿難荅子月魯帖木兒

復國請者

成宗舊紀大德七年十一月遣諸王玉龍鐵木而使察八兒此諸王似即阿難荅子月魯帖木兒之異譯九年七月舊紀書賜安西王阿難荅子月魯帖木兒鈔二千挺蓋賞其奉使之勞也按時計程據理推測或當不謬

以懲後事遂寢至治三年八月碩德八刺汗南陂之變月魯帖木

兒及其叔父按檀不花實預逆謀九月也孫鐵木兒汗登極慮逆

黨反側生變姑命月魯帖木兒襲西安王爵及逆賊也先帖木兒

鐵失等先後伏誅乃追治餘黨是年十二月流月魯帖木兒於

雲南按檀不花於海南天曆閒月魯帖木兒赦歸

本紀至順三年四

月坐與畏兀僧玉你達八的刺版的一作旭你迭國師必刺忒納失

里沙津愛護持謀不軌伏誅此亦疑案與也里身事相類鄒氏代過云王思誠傳至正十七年紅巾陷商州思誠會廉王及省院官於安西

王月魯帖木兒耶蓋言故耶也計月魯帖木兒於至順末誅至是已二十五年或其後裔尚居於此當時沿前代所遺而指之非至是月魯帖木兒尚存也月魯帖木兒襲封安西王僅踰月故舊世表不書其封號

北安王那木罕舊紀一作南木合又作那畏罕蒙古源流作諾穆罕皇太子真金同母少弟也未出

閣時高道為王說書官至元三年六月丁卯封北平王螭紐金印

明年三月王與燕王安西王舊紀稱忙阿剌等同受賜銀三萬兩時諸王海

都跋扈金山連結西道宗王抗違朝命忽必烈汗謀以親藩帥重

兵防之意屬王七年賜王軍馬六千匹牛三千頭羊萬噉同時賜北邊戍軍馬

二萬牛一千羊五萬舊紀不言所以賜之之故實則備王出鎮之用所謂北邊戍軍皆受王節制者八年命出鎮西北邊建身阿力

麻里克八年本紀失載二十一年三月王至自北邊舊紀始追述之按阿力麻里克本察阿互汗國夏身之地那木罕建身於此欲斷海都與察阿互汗國及巴秃汗國之交通也

自皇子闊闊出時尚未封寧遠王以下諸王從者七人竝受王節度明年十

二月益賜王軍馬萬二千九百九十四匹羊六萬一千五百三十一

噉又明年正月賜甲千領時察阿互孫臯古伯與海都戰而敗殞

噉

於陳王乘其敝與右萬戶李幹兒出所部合兵討曩古伯餘眾平

之舊紀至元十年十二月諸王李兀兒出所部與皇子北平王合軍討叛臣曩古伯平之賞立功將士有差按李兀兒出師祕史成吉思功臣四駿之一李幹兒出封右萬戶卒於成吉思未

年大德五年追封蓋廣平忠武王按舊紀稱諸王然此時上距李幹兒出之卒已四十七年其孫玉昔帖木兒實襲右萬戶舊紀仍稱李兀兒出者以位言不以人言也憲宗元年辛亥關帖兀阿

關之會有西方大將班里赤九年己未重貴山之會有阿兒剌部人八里赤所謂班里赤八里赤皆李幹兒出異文時在右萬戶位者實李幹兒出之子李樂台顧舊紀不稱李樂台而稱班里赤

八里赤亦此例也曩古伯洪侍郎譯多桑書作尼克貝音近考泉譜曩古伯為察阿歹國第八汗以西一二七〇年即至元七年繼八刺而襲察阿歹汗位一二七二年即至元九年與海都戰敗

陳漫是役北平王等僅收下莊之利徒以阿力麻里去朝廷道遠不憚冒功自居巨元史載其事於至元十年十二月者乃賞功之年月非曩古伯戰死之年月也曩古伯宜稱叛王舊紀稱叛臣

殊不事聞賞立功將士有差自後二年之間賜所部馬三萬二千一

百八十匹羊十萬有三百噉當是時王師三道伐宋海都窺知漢

地兵力空虛又自得八刺子篤哇之助駸駸有南牧之勢忽必烈

汗以那木罕統七八宗王之軍孤懸敵中恐駕馭失宜或至僨事

命丞相安童來視師就行中書省兼樞密院事畱以輔王然安童

雖厚重非治邊才師不和幹赤斤曾孫脫黑帖木兒時在軍中勇

而驚不受約束十三年秋脫黑帖木兒與阿里不哥之子藥不忽

兒玉龍荅失之子撒里蠻等合謀夜劫王營執王及王弟闊闊出